

14.08.2025

UKA2025/166

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Namminersorlutik Oqartussat pigisaanni, pisortat suliffeqarfiutaanni misissueqqissaarnermi iluaqutaasinnaasut aamma ajoqutaasinnaasut selskabit niuertorpalaartumik ilusiligaasimanerannut aaqqissuussisimanermi siunertaqartunuinnaanngitsoq taamaattorli aamma immikkuullarissumik politikikkut qajassuussinissaq pillugu UPA2026-mut saqqummiussinissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut
(Inatsisartunut ilaasortaq Pele Broberg, Naleraq)

Tunngavilersuut:

Ullutsinni Namminersorlutik Oqartussat ingerlatseqatigiiffiutaanni aalajangersimasumik ingerlatseqatigiiffiteqarnermik inatsit, dansk-it Folketing-ianni sananeqarnikuusoq aallaavigalugu nammineerlutik ingerlatsineq ingerlappaat. Taamaakkaluartoq iluanaarutissanik aamma aningaasanut inatsisissami ersersinneqarpoq tapiisoqartarneranik taamatullu akileraarutitigut isertitaqartoqartarluni nunatta karsianut.

Taamatut tulluarsagaanngitsumik ingerlatsineq erseqqinnerusumik oqaatigalugu akileraarutitigut aamma akitsuutitigut isertuussaqaqarnerusoq inuiaqatigiinnut taaneqarsinnaavoq. Taamatullu ingerlatseqatigiiffiit kisermaassinermik ingerlatsisutut, kingornatigullu inuiaqatigiit sullinneqarnertik annertuumik akilertaraat. Ingerlatseqatigiiffiit inuiaqatigiinnut suliaassat pitsaasut tunniuttassagunikkut suliffeqarfiit namminersortut nammassinaanngisaat pitsaassuseq aallaavigalugu akilernerqartarnissaat appasinnerpaaffimminiittariaqarput.

Ingerlatseqatigiiffiit iluanaarnissaat aammalu niuerfinni kisermaassinissamik taamaallaat eqqarsaateqaratik, taamaattumik pisariaqarpoq ingerlatseqatigiiffimmi inatsit malissagaanni allanngortiterineq soorlu assersuutigalugu Pisortat Suliffeqarfiutaat Namminersortut, naalisarlugu SOV-itut. Siunissaq eqqarsaatigalugu ingerlatseqatigiiffiit niuerfinni ataasiakkaani aningaasatigut innuttaasunut iluanaarnerunissaq anguniarlugu namminersortunit ingerlatseqatigiiffiit ingerlanneqartut.

Namminersorlutik Oqartussat suliffeqarfiutaat arlallit soorlulusooq pisortaqaarfittut sullissisarlutik ingerlatseriaaseqarsinnaasarput, pisortaqaarfiit akulerussimatinngit

sullissineq piusinnaasimanavianngikkaluartoq. Taamaattorli kisermaassisuunermik ingerlatseqatigiiffiit ingerlasuunertik pissutigalugu sinneqartoortoqarnissaa piumasaqaatigisarlutigu inuiaqatigiit aningaasaataat eqqarsaatigalugit.

Ingerlatsisup akikinnerpaamik sullissinnera pitsaanerpaatut isumaqanngilaq. Taamaanngilaq aningaasaqarnikkut inuiaqatigiittullu isigigaanni. Assartuussinissamut kiffartuussinermut isumaqatigiissutit tamassumunnga takussutissaalluarput. Suliffeqarfiit annertusiartuinnartumik toqqaannaq nunatta karsia agguagarsinikkut, suliffeqarfinnullu akileraarutikkut, inuiaqatigiit akit pisariaqanngikkaluamik qaffasippaallaartut atorlugit ingerlanneqartarpoq. Tamanna pillugu innuttaasunut ingerlatseriaaseq tamatta suliffeqafiutitsinnut pitsaanerpaasoq ujassallugu pisussaaffeqarpugut.

Inuiaqatigiit namminersorlutillu inuussutissarsiortut eqqarsaatigalugit, pitsaaqutaasinnaasut ajoqutaasinnaasullu misissueqqissaarnermi, ingerlatseqatigiiffiit inuiaqatigiit pigisaat arlalissuit "Pisortat Suliffeqarfiutaat Namminersortuutitatus" (danskisut SOV-tut) imaluunniit assingusumik allanngortinneqarnerat pitsaaquteqarnersut nalilersorsinnaasariaqarpagut.

Piginnittuunermut politikkip eqeersimartumik ingerlanneqarnissaa pisariaqartipparput, ingerlatseqatigiiffiit imminnut aqullutillu oqartussaalertarnerannut taarsiullugu. Aamma pisariaqartitsivugut politikikkut sakkussaqaarnissatsinnik, suliassat inuiaqatigiinnut pingaarutillit qanoq naammassiniarneqarnissaannik tikkuussisinnaanissatsinnut. Naammagiinnarsinnaanngilarpummi Naalakkersuisut piginnittunut sinniisutut ingerlatseqatigiiffiit ataatsimeersuartarneranni annikitsumik oqaaseqaannartarnerat, kingornalu siulersuisunut isumagisassanngortitsilluta, ingerlatseqatigiiffiummatalu qanoq ingerlanneqarnerat politikikkut sunniuteqarfigineqassanngitsoq akuliuffigineqarsinnaanngitsullu utoqqatsissutaaginnarsinnaajunnaarpoq.

Pisortanut aningaasatigut allaffissornikkullu kingunerisassat

Kalaallit Nunaanni Namminersorlutik Oqartussaniit suliffeqarfiit oqartussaaffimminnik misissuinissamut sulisoqarnermut immikkoortitsinissaaq pisariaqartinneqassaaq, ilaatigut naalagaaffiup Danmark-ip eqqartuussissuserisua aqqutigalugu suliarineqarsinnaavoq. Tamassuma suliarineqarnera sulisup ukiup $\frac{1}{2}$ sulinerata iluaniinnissaa ilimagineqarpoq. Suliffeqarfiit ingerlatseriaasissaa allanngornissaasa aningaasaqarnikkut misissuititsinissaaq naalagaaffiup Danmark-ip eqqartuussissuserisua aqqutigalugu siunnersortinneqarsinnaaneq periarfissaamat, soorlu SOV-tut allatulluunniit ingerlatsiviit inuiaqatigiit pigisaannut ikiuisinnaaneq qulakkiigaaqqavoq.



Namminersorluni inuussutissarsiuteqarnermut aningaasatigut allaffissornikkullu kingunerisassat.

Namminersorluni inuussutissarsiuteqarnermut aningaasatigut allaffissornikkullu kingunerisassaannik soqanngilaq.

Innuttaasunut aningaasatigut allaffissornikkullu kingunerisassat

Innuttaasunut aningaasatigut allaffissornikkullu kingunerisinnaasanik soqanngilaq.